



## 第83期

本刊作品如有涉及時評者，乃作者個人意見，與華府詩友社立場無關。

<b>濱峰榮譽社長挽詞</b>	陳新雄
-----------------	-----

一聲痛哭創基人。海外弦歌始有因。設教飛聲承舜水，通靈瘦骨接歐塵。將書作畫成雙絕，信手裁詩自足珍。噩耗傳來心震蕩，淚乾還應繼精神。

<b>哀悼本社創辦人盧濱峰先生</b>	張暢繁
---------------------	-----

正是陽春日，桃櫻茂盛開。騷壇哀典範，華府慟奇才。德藝揚中外，詩文賽寶瑰。雲泉逢李杜，吟唱邀蓬萊。

<b>敬悼盧師</b>	周涓
-------------	----

湘江浪湧訴哀情，華府詩壇痛失聲。創社元勳能量在，悲歌化作滿天星。

<b>哀悼詩友社前社長盧濱峰老師</b>	林佩娟
----------------------	-----

創社倡酬超十載，今朝誰料絕人生。稿詩編審恩猶在，國粹宏揚事待成。驟雨風悲神自慨，追思懷念淚含聲。世間天上何曾阻，撼樹暝鐘吟魄情。\*

註：盧老師病中仍作詩《九十自壽》。

<b>悼念盧濱峰先生</b>	劉平和
----------------	-----

### 一、專業

荊楚洞庭濶，傑才如鶴鵬。台瀛職初就，華府翼舒升。國際胼胝厚，人間福利增：亞非拉縣市，飲水更甘澄。

### 二、墨寶

書畫同源否？以書為畫真。當年觀個展，我意屬多新。義賣賑災會，羞囊傾底晨。撫今瞻墨寶，筆勢憶斯人。

### 三、詩情

吟社長相聚，積年文化功。蠶絲春雨細，燭淚蠟心融。黯黯雲和霧，依依路與風。送君安息去，天地伴詩翁。

<b>敬悼盧濱峰先生</b>	今白
----------------	----

日前欣讀“九十”詩，今悉遽然已仙逝。書壇詩社不晚齋，“今日世界”永存世。華府《嘗試》集衆賢，詩詞共賞譜新篇。曾任聯合“水大使”，為水全球走聯翩。

註：“今日世界”銀屏系盧老親書盧老曾服務於聯合國水資源事宜

<b>濱峰吾師千古</b>	許翼雲
---------------	-----

創詩社，夙夜耕耘，海外揚國粹，激發處處芳菲，望風緬懷開建德。傳律章，溫諄教誨，騷壇示盛景，欣見篇篇繡錦，含涕長謝啟迪恩。

<b>敬輓盧濱峰先生</b>	劉平和
----------------	-----

蘭亭聞雅論，詩社見華章，隸真草行、書法已自成家，哲人雖去高儀在；水政遍三洲，目光涵萬國，經濟管理、工程每能剋果，君子長留實惠多。

<b>敬輓濱峰兄</b>	史固華
--------------	-----

壽越九旬，道山遽逝；嘉言讜論，詩友砥柱，無奈西風凋芝宇。含笑九泉，美德常留；高風亮節，凱仁典範，且看春雨啟新枝。

<b>敬輓盧濱峰先生</b>	明道廣
----------------	-----

華府詩社永懷師友，美京文壇痛失儒賢。

<b>六四感懷</b>	陳詠智
-------------	-----

伸訴無門六月殤。八千長夜斷肝腸。誰憐慘落黃泉路，猶望魂歸一柱香。

<b>楚望先生百歲冥誕</b>	陳新雄
-----------------	-----

玉尺量才四十春。駢文詩法兩精純。鬢宮多士遊門下，學海無邊貽後人。寵錫雙聯光耀壁，愛垂一老久施仁。群英追思尊師道，清範當能洗俗塵。

<b>真情敬次暢繁兄原韻</b>	陳新雄
------------------	-----

伉儷情深足可依。才華應入鳳凰池。名花看慣秋方好，勁菊能支霜豈癡。喜到洛城無遠近，榻從社友感疏遲。龍吟虎嘯人人羨，冠首詩工莫可疑。

<b>心境</b>	張暢繁
-----------	-----

韶光已逝夢仍空。倦目回眸色更朦。雪地留痕鴻影杳，寒江下釣激流沖。殘雲未散秋風疾，夜幕剛垂暴雨隆。世易時移人事變，心隨活水湍河東。

<b>返鄉承僑辦款待致謝</b>	許翼雲
------------------	-----

煙波浩渺太湖廣，山勢蔥蘢錫惠崇。物產豐隆黎庶樂，民風淳樸俊豪雄。進修留學他邦駐，遠望思鄉別意濃。歸里尋根承接待，旅人銘感喜相逢。

<b>晨起雪霽二首</b>	靜遠
---------------	----

一、東君弄巧絮綿飄，連夜無聲入畫描；未覺瓊花香撲鼻，驚寒饑雀怨終朝。二、不勝晨曦耿素光，藍天麗日曉妝忙；叢枝一色絨毯滿，夢伴春風換彩裳。

註：時值金融海嘯，奧巴馬新訂解救方案公佈，成敗莫測，有感而作。

<b>華府雨中賞櫻</b>	史固華
---------------	-----

近日櫻花開似雪，遊人縱目為花傾；今朝春雨花搖落，飛絮漫天草色青。

<b>梅</b>	傅靜珍
----------	-----

月移疏影窗樞透，浮動幽香滿小園。耐得冰霜寒澈骨，紅枝一顯報春痕。

<b>觀竹戰有感</b>	傅靜珍
--------------	-----

友朋相聚當歡暢，莫讓輸贏起禍爭。放眼長空天遠大，高歌對飲見豪情。

<b>南鄉子二首</b>	陳新雄
--------------	-----

一、**敬壽毛戎夫人玉珍女士七十嵩慶**

相對復相偎。縱筆千山萬壑開。鳳翥龍飛三折罷，牽衣。攜手翫鉞更與誰。鼓動引花枝。細雨和風共玉醅。莫笑今時人已老，無猜。方始人生意氣恢。

二、**送憲鐸靜珍伉儷返山東濟南用山谷招喚欲千回韻**

衣錦故鄉回。相對尊前笑口開。萬水千山攜手去，悠哉。同賞春花尚有誰。對鏡每徘徊。時憶柔風細雨吹。往日煙雲成過眼，今來。濃情蜜意未容衰。

<b>鷓鴣天 老來樂</b>	張暢繁
----------------	-----

到老常為保健憂。清晨對鏡怕梳頭。身軀耳目今非昔，往事繁迴永不休。尋美景，愛郊遊。步行運動把身修。今朝樂事今朝享，明日愁來明日愁。

<b>竹香子 第十屆竹禊</b>	周涓
------------------	----

十次春風吹奏，竹葉竹枝舞袖。綿綿雅意竹波寬，滴滴滋靈秀。恩師點化面授，大德恩，感悟通透。心心念念學幽篁，澤霈環球翹首。

<b>江南好·肯塢賞櫻</b>	今白
-----------------	----

青再踏，肯塢賞春櫻。人在花間浮雅兴，粉雲相比漫空盈。耆老溢詩情。

